


# Vijesti

18.04.2024.

Najnovije vijesti

Direktoru Agencije zvanično uručen certifikat o produženju akreditacije



Direktor Agencije za forenzička ispitivanja i vještačenja Radiša Samardžija sastao se danas, 18. aprila 2024. godine, u prostorijama Agencije sa direktorom Instituta za akreditiranje BiH Dražanom Primorcem.

Povod za održavanje sastanaka bilo je zvanično uručenje certifikata za potvrđivanje akreditiranog područja Agencije (LI-151-01) na period do 12. septembra 2027. godine.

Ocjenjivanje u prostorijama Agencije u svrhu produženja akreditacije održano je u decembru 2023. godine, kada su ocjenjivači Instituta za akreditiranje BiH ponovo provjeravali sistem za upravljanje kvalitetom, a između ostalog i četiri laboratorijske metode koje se primjenjuju u tri laboratorije Agencije. Komitet za akreditiranje je razmotrio relevantnu dokumentaciju Agencije i zaključio da je postupak produžavanja akreditacije obavljen u skladu sa pravilima Sistema akreditiranja BiH i s tim u vezi donio je odluku o produživanju akreditacije Agenciji za naredne četiri godine.

Agencija je bila prva forenzička insitucija u Bosni i Hercegovini kada je 2019. godine Institut za akreditiranje BiH donio odluku o akreditiranju laboratorijskih metoda u skladu sa BAS EN ISO/IEC 17025:2006, odnosno BAS EN ISO/IEC 17025:2018 na period od 2019-2023. godine.

Na kraju sastanka direktori Samardžija i Primorac su izrazili obostrano zadovoljstvo dosadašnjom uspješnom suradnjom ove dvije institucije i dogovoreni su pravci i modaliteti daljnje suradnje u vidu potencijalne edukacije i razmjene tehničkih eksperata i ocjenjivača.

Prilozi

